



Uunga:
Inatsisartunut ilaasortaq
Sara Olsvig
Inuit Ataqtigiit

Inatsisunik atuutsitsinermut suliassaqarfimmi periusissatut suliniutissanullu pilersaarut pillugu § 37 naapertorlugu apeqqutip nr. 2018-221-p akineqarnera

20-09-2018
Suliap nr. 2018 - 17460
Akt. id. 8613307

Asasara Sara Olsvig

Inatsisunik atuutsitsinermut suliassaqarfimmi periusissatut suliniutissanullu pilersaarut pillugu apeqqutinnut qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

1. Naalakkersuisut Inatsisunik atuutsitsinermut suliassaqarfimmi periusissatut suliniutissanullu pilersaarutaanni immikkoortukkuutaani tulleriiarinerni pingaarnersiunerit allanngortiteqqissimanerannut suleriaaseq qanoq issimava?

Inatsisunik atuutsitsinermut suliassaqarfimmi periusissatut suliniutissanullu pilersaarummi pingaarnersiukkanik allattuiffik sakkussatut akunnaatsuvoq, Justitsministeeriaqarfimmut kalaallit tulleriiarinerni kalerrisaarutitut atorpeqartartoq. Massakkorpiaq tigummineqartussatut eqqartuussaasimasunut aamma Nuummi isertitsivissamut nutaamut tunngassuteqartut suliniutissat marluupput pingaartinneqarnerpaajusut. Nuummi isertitsivissamut nutaamut attuumassuteqartut suliniutissat unammillernartullu taakkua, 2019-imi upernaakkut ammarneqannginnerani erseqqissarneqassasut Naalakkersuisut isumaqarmata, pingaarnersiuiineq tamatuminnga pissuteqarpoq.

Suliniutit arlallit pingaarnersiukkap ataatsip ataaniimmata, pingaarnersiukkanik allattuiffiutaaq takutippaa. Assersuut ataaseq tassaavoq pinerluuteqarsimanermik eqqugaasunut suliniutit. Taamatut ataatsimoortitsinermut pissutaavoq Naalakkersuisut kissatigimmassuk pinerluuteqarsimanermik eqqugaasut pitsaanerusemik atugassaqartinnissaat aammalu isumaqarlutik suliniutit tassaasut assigiinngitsut imminnut sunniivigeqatigiittartut.

Pingaarnersiukkanik allattuiffik ukiumut ataasiarluni nutarnerneqartassasooq Naalakkersuisut siunertaraat, taamaaliornikkullu ukiumi qaangiuttumi pisimasut killiffilersorneqartassapput. Matumuuna Justitsministeeriaqarfimmik suleqateqarnerup ingerlajuaannarnissaa naleqquttuunissaalu qulakkeerneqassaaq.

Suliniutit pingaarnersiukkanik allattuiffimmiittut tamarmik Naalakkersuisunit pingaartinneqarput pingaarnersiorneqarlutillu. Tamarmik piviusunngortinnissaat qulakkiissallugu anguniarneqarpoq.

- 2. Danskit inatsisinik atuutsitsinermut ministeriaqarfiata pingaarnersiunerup allanngortinnissaanik siunnersuuteqartuusimappat?**
- a. Inatsisinik atuutsitsinermik ministeriaqarfiup tulleriiarineramik allannguuteqarnissamik siunnersuuteqartuusimappata, siunnersuutaasunut Naalackersuisut allannguuteqaqqikkumasimappat?**

Naamik, Justitsministeeriaqarfiup pingaarnersiukkanik allannguinnissaq siunnersuutiginnilaa.

- 3. Inatsisinik atuutsitsinermut ministeriaqarfiup tulleriiarineramik allannguinnissamut siunnersuuteqarnerminni nunatsinni inatsisinik atuutsitsinermut suliaasaqarfimmut ukiuni sisamani tulliuuttuni ukiumut 10 mio. kr.-nik Folketingimit aningaasaliissutaasussat pequtigisimavaat?**

Soorlu oqaatigineqartoq *Inatsisinik atuutsitsinermut suliaasaqarfimmi periusissatut suliniutissanullu pilersaarummi* suliniutinik tulleriiarineramik allannguinnissaq Justitsministeeriaqarfiup kissaatigisimannilaa.

Justitsministeeriaqarfik allattuiffimmut ilusilersueqataanikuunngilaq, kisianni Naalackersuisut pingaarnersiukkaminik iluarsaassinerannik ilisimatinneqarnikuuvoq.

Inatsisinik atuutsitsinermut ministeriaqarfiup 10 mio. kr.-nik aningaasaliisimaneq pequtigisimappagu Naalackersuisut inatsisinik atuutsitsinermut suliaasaqarfimmi suliaasanut kinguleruttoortunut aqqiiniarnermut 10 mio. kr.-it naammangilluinnarnerannik erseqqissumik nalunaarutigisimavaat?

Inatsisinik atuutsitsinermut suliaasaqarfimmi unammilligassat assigiinngitsut pillugit, matumani aningaasalersuinermut apeqqut ilanngullugu, Naalackersuisut Justitsministeeriaqarfimmi oqaloqatiginnittarput.

Tassunga atatillugu inatsisinik atuutsitsinermik ministeri 13. september 2018 ataatsimeeqatigisussaagaluarpara, ataatsimiinnissarli kinguartinneqarpoq. Danmarkimut sanilliullugu suliaasaqarfii arlallit kinguaattoorfiusutut Naalackersuisunit isigineqartut pillugit ataatsimeeqatigiinnissap nutaap pinissaa piaartumik sulissutigineqassaaq.

- 4. Inatsisinik atuutsitsinermut suliaasaqarfimmi suliaasanut kinguleruttoortunut aqqiiviginninnissaq anguniarlugu 10 mio. kr.-it sinnerlugit danskinit naammattumik aningaasaliisoqarnissaa Naalackersuisut qanoq qulakkeerinninniarpat?**

Kalaallit Nunaanni inatsisinik atuutsitsinermut suliaasaqarfimmi unammilligassat paasineqarnissaat, matumani aningaasalersuinissamik pisariaqartitsineq ilanngullugu, kinguneqarluartussamik suleqatiginnikkut oqaloqatiginnikkullu Naalackersuisut qulakkeerniarpaat.

- 5. Naalackersuisut Inatsisinik atuutsitsinermut suliaasaqarfimmi periusissatut suliniutissanullu pilersaarut akulikitsumik allanngorteqattaarpassuk Kalaallit**

**Nunaata periusissiaq aqutigalugu erseqqissuliortoqarsimanerata
malinneqaannarani periusissiali aamma akuersaarneqarnissaa
Naalackersuisut qanoq qulakkeerniarpaat?**

Suliniutit allattorsimaffimmiittut tamarmik pingaarnersiugaapput.

Ukiumoortumik pingaarnersiukkanik allannguisarnerit, Justitsministeeriaqarfimmik
suleqateqarnitta tamatigut naleqquttuunissaa pilersissavaa, kiisalu suliassat
pingaarnarpaat qaqineqartarnissaannik, suliallu aallartinneqareersut
naammassineqarnissaminnut malittarineqarnissaat pilersissallugu.

Inussiarnersumik inuulluaqqusillunga



Doris J. Jensen